



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXXXIV. Karoli Calvi privilegium pro Ecclesia Augustodunensi.

urn:nbn:de:hbz:466:1-22974

Datum Viennæ civitate anno Deo propitio imperij IIII. Domini nostri Hludovici serenissimi augusti, II. scilicet Kal. Novembris, Indictione v 11.

Actum Viennæ urbi in Christi nomine feliciter. Amen.

LXXXIII.

Ejusdem Ludovici præceptum pro eadem Ecclesia Viennensi.

An. 859.
Ex eodem
chartula-
rio.

IN nomine Domini nostri Iesu Christi Dei æterni. Hludovicus divina ordinante providentia Imperator Augustus. Si sacerdotum ac servorum Dei petitiones, quæ nobis pro suis innotuerint necessitatibus, ad effectum perducimus, non solum consuetudinem imperialem exercemus, verum etiam ad beatitudinem retributionis mercedem talia nobis faciendi profutura confidimus. Itaque omnium fidelium sanctæ Dei Ecclesiæ ac nostrorum presentium & futurorum competat magnitudo quoniam Ragamsfredus venerabilis sanctæ Viennensis Ecclesiæ Archiepiscopus necnon & sacri palatii nostri Notariorum summus atque Hugo nobilissimus Comes & carissimus propinquus noster presentiam nostri accedentes innotuerunt quandam partem villæ quæ vocatur Fornis in comitatu Viennensi sitam, temporibus præcis à religiosis Christianis matris Ecclesiæ sancti Mauricii Viennensium Urbis conlatam, non longo tempore præterito inter reliquarum subtractionem rerum injustè ob incuriam priorum prælatorum ejusdem Ecclesiæ actuorum fuisse sublata. Unde serenitatem nostram suppliciter expetierunt quarinus ob amorem Christi, necnon & pro levamine & memoria genitorum nostrorum, quorum corpora in eadem matre Ecclesia fore noscuntur humata, ac pro amabili eorum deprecatione, jam dictam partem villæ Fornis quæ injustè subtracta fuerit, unà cum Ecclesia sancti Nazarij consecratam, cum omni familia utriusque sexus ejusdem villæ sancti Mauricii juris pertinentia cum redditibus universis ac possessionibus justè redderemus, ac reddentes præfate matris Ecclesiæ sancti Mauricii præcepto nostræ auctoritatis confirmaremus. Quorum precibus ob emolumento mercedis nostræ & genitorum nostrorum ac propter diutinum famulatum nobis sincerissime ab ipsis exhibitum libentissime annuentes, hoc serenitatis nostræ præceptum fieri censuimus, per quod memoratæ Ecclesiæ sancti Mauricii jamdictam partem villæ Fornis cum omnibus sibi justè & legaliter pertinentibus, videlicet cum domibus ceterisque ædificiis Ecclesiasticis ac terris cultis & incultis, vineis, pratis, & silvis, aquis aquarumque decursibus, mancipia etiam utriusque sexus & ætatis, quæsitum & inquisitum, omnia & in omnibus prælibatæ Ecclesiæ sancti Mauricii suisque rectoribus reddimus ac reddita perpetuis temporibus eorum utilitatibus subesse volumus atque prodesse. Volumus namque atque dignum esse decernimus ut Teudo ejusdem matris Ecclesiæ filius & Presbyter, qui pro supra nuncupatis rebus magnum dedit studium & laborem

improbum ut pristina restituerentur potestati, Vboldus nepos ejus Clericus in id ipsum præfatam sancti Nazarij Ecclesiam cum omnibus rebus, sicut supra lecta & nota esse noscuntur, omnibus diebus vitæ illorum jure possideant usitatio & sub sua ordinem dispositione absque alicujus hominis contradictione. Vt autem nostræ auctoritatis conlatio & restitutio firmiorem obtineat vigorem, manu propria subter firmavimus, & anuli nostri impressione adsignari iussimus.

Signum Hludovici serenissimi Augusti.
Arnulfus Notarius ad vicem Ragamsfredi Archicancellarij recognovit.

Datum Viennæ urbi v 11. Kal. Novemb. anno imperij v. Domini nostri Hludovici serenissimi Augusti in Dei nomine feliciter. Amen.

LXXXIV.

Karoli Calvi privilegium pro Ecclesia Augusodanensi.

IN nomine sanctæ & individue Trinitatis. Karolus gratia Dei Rex. Si ecclesiasticas sanctiones atque decreta nostro confirmamus edicto, proculdubio regie celsitudinis morem exequimur, atque apud æternam retributionem hoc ad emolumentum animæ nostræ nullatenus ambigimus pertinere. Quapropter noverit omnium sanctæ Dei Ecclesiæ fidelium solertia nostrorumque tam presentium quam futurorum quia Ionas venerabilis Præsul Eduorum Ecclesiæ, quam constat esse in honore sancti martyris Christi Nazarij dicatam, adiens culmen nostræ celsitudinis, obtulit obtutibus nostris quoddam privilegium Episcoporum atque Abbatum manuum robotatum; in quo continebatur insertum qualiter idem Ionas, divino tactus amore, pro Dei honore & reverentia beati Nazarij martyris Christi, Canonicorum ejusdem matris Ecclesiæ curam gerens, & perpendens quod canonicè degere neque ibidem Deo deservire possent, propiciens primum illorum habitum officinarum inconvenientem & penè nullum esse comparatione aliorum, juxta morem aliarum urbium claustra illis construere officinasque congruiores & aptiores ad usus eorum ædificare studuit. Et licet quædam res ecclesiasticæ ad supplementum eorum & victum administrandum à prædecessoribus suis illis conlatæ fuissent, tamen pro quantitate sui atque difficultate itineris, quia longè ab urbe distabant, penuriam sæpissime pati solebant cotidiani victus. Et ut penitus hæc occasio eis tolleretur, receptis eisdem rebus, hoc est, Carimanno & Tillido villis, cum Fisciaco, ad usus eorum in pinguiori atque viciniore loco Marcaffolium villam indominicatam, & Simpiniacum similiter indominicatam, cum beneficio quod Ragenfredus quondam ex eadem villa habuit, ad cotidianum victum & potum eis ministrandum delegavit, & per idem privilegium confirmavit cum Anlaciaco villa, quæ olim eis à Domino Modoino collata fuerat, hoc decernens, ut ibidem quinquagenarius Canonicorum numerus non transgrediat, donec Deo opitulante prædictæ res augmententur, & nullus census

An. 859.
Ex chartulario
Ecclesiæ
Augusodanensis.

ex eisdem rebus aut alicujus terreni servitij vel muneris exigatur, ut ex eisdem rebus aliquid auferatur aut diminuat. Sed ut illius bona intentio atque decreti confirmatio firmiter habeatur & perpetuis temporibus conservetur inviolabilis, nostram deprecaturam est magnificentiam ut super hoc nostrae auctoritatis preceptum fieri dignemur. Cujus petitionem ratam judicantes, hoc altitudinis nostrae preceptum illi fieri iussimus; per quod omnimodis firmamus atque jubemus ut nunquam vel nusquam ex rebus in praefato privilegio consistentibus à nemine mortalium quicquam tentetur evellere vel diminuire, sed sicut in praefato privilegio constat esse praefinitum, in cunctis ita inviolabiliter nostris futurisque temporibus maneat firmum atque inconvulsum. Et ut haec nostrae confirmationis auctoritas nostris futurisque temporibus majorem in Dei nomine obtineat vigorem, manu propria subter eam firmavimus, & anuli nostri impressione subfigillari iussimus.

Signum Karoli gloriosissimi Regis.
Folchricus Diaconus ad vicem Hludovici recognovit & subscripsit.

Data xviii. Kal. Iulij anno xix. Domni Karoli gloriosissimi Regis, Indictione vii.
Actum Tulliaci villa in Dei nomine feliciter. Amen.

LXXXV.

Ejusdem Karoli preceptum pro eadem Ecclesia Augusfordunensi.

An. 859.
Ex eodem chartulario.

IN nomine sanctae & individuae Trinitatis. Karolus gratia Dei Rex. Quicumque regiae dignitatis culmine effertur desiderat, merito cum praefato oculis semper habere debet cujus gratia praefertur. Igitur noverit omnium sanctae Dei Ecclesiae fidelium & nostrorum tam praesentium quam & futurorum sollicitia quia nobis, qui ubique res ecclesiasticas pro viribus tutari atque augmentari gaudemus, ob emolumentum mercedis animae nostrae libuit cuidam sanctae matri Ecclesiae Eduorum, quae noscitur esse dicata in honore sancti Nazarii martyris Christi, cui etiam praefertur videtur Ionas venerabilis Praefatus, restitui atque solemniter refundi quandam villam quae vocatur Tiliniacus, cum omni sua integritate. & est sita in pago Orcharense, super fluvium Sagonnam. Ipsa enim villa olim per incutiam rectorum praedictae Ecclesiae & indivolorum hominum violentiam ab eodem loco distracta esse dinoscitur. Vnde nos, sicut supra praediximus, res Ecclesiarum pro viribus tutamus, hoc celerrimum nostrae preceptum fieri ac praedicto sancto loco ad deprecationem dilecti nobis memorati Pontificis Iona dari reddique iussimus; per quod praefatam villam cum omnium rerum iure legaliterque sibi pertinentium summa integritate jam dicto loco sancto aeternaliter mancipatam ac perenniter famulandam refundimus & delegamus, eo videlicet modo ut rector praefatae Ecclesiae & successores ejusdem quicquid ex praedicta villa cum omnibus pertinentibus sibi rebus pro utilitate ac commoditate Ecclesiae & suorum

Tom. II.

necessitate facere decreverint, libero in omnibus perfruatur arbitrio canonicè legaliterque faciendi quemadmodum ex reliquis rebus ad eundem locum similiter contraditis ac restitutis, & nosse anniversarius ac dilectissima nostra conjugis Hirmindrudis in eadem Ecclesia per singulos annos gratia restitutionis istius villae sollemniter celebrari atque honorificè frequentari non negligatur. Et ut haec nostrae restitutionis auctoritas plenior in Dei nomine per supervenientia tempora obtineat vigorem, manu propria subter eam firmavimus, & anuli nostri impressione sigillari iussimus.

Signum Karoli gloriosissimi Regis.
Folchricus Diaconus ad vicem Ludovici recognovit & subscripsit.

Data III. Idus Octobris Indictione vii. anno x. regnante Karolo gloriosissimo Rege.
Actum Tulliaci villa supra Mosam in Dei nomine feliciter. Amen.

LXXXVI.

Airaudi cessio ad Ecclesiam Brivatensem.

Sacro sanctae Ecclesiae sancti Iuliani martyris vico Brivate, ubi ipse sanctus martyr in corpore requiescit, vel ceterorum corpora sanctorum seu reliquiae ibidem conditae sunt, ubi ad dexteram laevamque Arconcius inclitus confessor seu Ispidius martyr adjacent, ubi in Christi nomine Bernardus gratia Dei Comes super ipsam casam Dei rector praesertim videtur, seu & Adalgisus Praepositus super ipsam catervam sancti Iuliani custos praesertim videtur. Ego igitur in Dei nomine Airaudus, metuens casum humani generis & fragilitatem, ne me subitanea mors praecuperet, propterea cedo ad ipsam casam Dei vel ad ipsos Canonicos ibidemque Deo servientibus in stipendia fratrum vel ad sacrificium Deo offerendum aliquid de rebus meis propriis, ut ipsi sancti seu & ipsi Canonici, qui ibidem sunt degentes, intercessores sint pro peccatis meis ad Dominum. Et sunt ipsae res sitae in patria Arvetica, in vice Ambronense, in villa cui vocabulum est Buciaci. Cedo ad ipsam Ecclesiam Dei vel ad ipsos Canonicos in ipsa villa casam meam domesticariam, cum aliis mansis, cum curtis, ortiferis, pomiferis, & aliis campis, pratis, pascuis, & molendinis tres, cum cunctis adjacentiis, aquis, aquarumque decursibus, via, cultum seu incultum, quacumque vel quicquid adquirendum est, omnia & ex omnibus quantumcumque in ipsa villa vel in ipsa cultura habeo vel acquirere potero integrum cedo ad ipsam casam Dei vel ad ipsos Canonicos in illorum stipendia tam praesentium quam & futurorum, tam de alode quam de tracto, ut faciant ipsi Canonici de ipsis rebus in omnibus in illorum stipendia vel ad sacrificium Deo offerendum quicquid facere voluerint. Et tamen mihi placuit voluntas ut dummodo ego advivo, titulum usufructu mihi liceat possidere. Et post obitum, quandoque Deo placuerit, in vestrisque partibus faciat permanere. Et si ego uxorem duxero, & filios & filias mihi

An. 860.
Ex chartulario Ecclesiae Brivatensis, cap. 115.

A A A A